

CHINESE - JAPANESE LIBRARY OF  
HARVARD - YENCHING INSTITUTE  
41 HARVARD UNIVERSITY  
FEB 3 1941

4

T 3210/3530.7/7



寧誌備攷卷四

當湖鈍叟趙維寰輯

水利

唐開元元年重築鹽官捍海堤長百二十四里見  
新書地理志

吳越天寶三年錢武肅始築捍海石塘塘外植澆  
柱十餘行以折水勢

宋徽宗政和四年海溢十一月降鐵符十道以鎮  
之

哈佛大學漢和  
圖書館珍藏印



寧宗嘉定十二年海溢詔修築塘岸壬午秋潮水  
衝突城之東北直抵鹽官縣治界三里而近當時  
已有改邑長河之議有詔帥漕臣協力修築隨沒  
冬十一月除大理丞劉垕持浙西倉節任責措置  
垕謂非人力可勝申請迎奉城隍忠清龍王三祠  
像於潮中之衝日夕禱祈仍并力築塘岸越次年  
春潮回沙漲復舊觀按是年水失故道潮衝  
平陽野二十餘里至侵縣治蘆洲港瀆及上下管  
黃灣黃岡等鹽場皆圯蜀山淪海田疇失其半鹹

水滄及四郡時守臣上言鹽官舊去海三十餘里  
無海患故鹽灶煩盛課利易登去年海水忽漲橫  
衝沙岸每一潰裂輒數十丈日復一日蘆洲港瀆  
蕩為一壑今潮勢深入逼近居民萬一春水驟發  
怒濤奔湧海颶佐之呼吸桑滄百里之民寧不俱  
葬魚腹乎况京畿赤縣密邇都城內有二十五里  
塘道通長安扉上徹臨平下接崇德漕運往來客  
船絡繹今海水入塘兩岸田畝皆被滄沒及今不  
治恐裏河堤岸久之亦必潰裂乞下浙西諸司條



具築捺之策務令捍堤堅壯土務脉充實庶不復  
孺前劇詔從之

嘉定十五年都省臣上言鹽官海塘衝決上命浙  
西提舉劉屋專任其事屋上言鹽官東接海鹽西  
距仁和北抵崇德德清境連平江嘉興湖州南瀕  
大海原與縣治相去四十餘里數年以來水失故  
道早晚兩潮奔衝南北遂至縣南四十餘里盡淪  
入海近縣之南原有捍海古塘亘二十里今東西  
兩段並以衝毀侵入縣治兩旁止存中間古塘十

餘里萬一水勢激盪不息不惟鹽官一縣不可復  
存而向下地勢漸卑恐鹹流沿漫將蘓秀湖三州  
等處田畝皆不可種植其為害非獨一邑也詳今  
日之患大概有二一曰平地陸沈一曰鹹潮泛溢  
陸沉者固無力可施其泛溢者祇因捍海塘衝損  
每遇大潮必盤越北注今亟宜築土塘以捍鹹潮  
其所築塘基南北各有兩處在縣東近南則為六  
十里鹹塘近北則為袁花塘在縣西近南亦曰鹹  
塘近北則為淡塘嘗驗兩處土色虛實袁花塘淡



鹽官縣志 卷四  
塘差勝鹹塘且各近裏未至與海潮為敵勢當東  
就袁花塘西就淡塘修築庶可禦鹹潮之盤溢其  
縣西一帶淡塘連縣治左右共五十餘里合先修  
築若縣南去海一里餘縣治民居盡在其中幸古  
塘尚存此何可棄之度外也今將現管樁石就古  
塘加工築壘一里許為防護縣治之計其縣東民  
戶日築六十里鹹塘萬一又為海潮衝損則前功  
盡棄當計用木石修築袁花塘以捍之上詔可  
元大德三年鹽官州海塘崩詔禮部尚書游中順

同本省官相視議修築會虛沙忽漲不能施力  
仁宗延祐元年鹽官州海溢己未庚申間陷地至  
三十餘里壞民居無筭時議于州後添築土塘然  
後築石塘東西長四十三里後復以沙漲中止  
泰定帝元年十二月鹽官州海水大溢壞堤塹侵  
城郭有司以石園木櫃捍之不能止  
二年八月鹽官州大風海溢捍海堤崩廣三十餘  
里袤二十里徙民居千二百五十餘家避之  
四年正月鹽官州海潮大溢捍海塘崩二千餘步



寧波府志 卷四  
四月後崩十九里時發丁夫二萬餘人以木柵竹  
絡磚石塞之不止詔天師張嗣成修醮禳之復不  
驗乃命都水少監張仲仁往治沿海三十餘里下  
石圍四十四萬三千三百有奇又木櫃四百七十  
有奇工役萬人

致和元年三月鹽官州海岸崩詔遣使禱祀造浮  
屠二百十六盖用西僧法謂潮可鎮壓也不驗四  
月海復溢詔發軍民塞之為置石圍二十九里  
文宗天曆二年庸田司奏言鹽官海患已息民得

安堵乃詔改鹽官州為海甯州

元世修塘總紀○鹽官州治舊去海岸三十里有

捍海塘二後又添築鹹塘在宋時亦嘗崩陷至成

宗大德三年塘岸崩都省委禮部郎中游中順曰一

詔禮部尚書游暨本省官相視會虛沙漲難于施力議中

寢至仁宗延祐之己未庚申間海汎失度累壞民

居陷地三十餘里時省憲官共議宜于州治之北

添築土塘然後築石塘東西長四十三里未幾沙

復漲議復寢至泰定即位之四年二月風潮大作



衝捍海小塘壞州郭四里杭州路上言與都水庸田司議欲于北地築塘四十餘里而工費浩大莫若先修鹹塘增其高濶填塞溝港且濬深近北備塘濠塹用椿密釘庶可護禦江浙省准下本路修治都水營田司又言宜速撥丁夫堵閉水衝入處其不敷工役于錢塘仁和及嘉興等附近州縣諸色人戶內斟酌差倩不則淪沒不已旦夕誠為可慮工部議海岸崩摧重事也宜移文江浙行省督促庸田使司鹽運司及有司發丁夫修治毋致侵

犯城郭移害居民五月五日平章禿滿迭兒茶乃史叅政等奏言江浙省四月內潮水衝破鹽官州海岸令庸田司官徵夫修堵又令僧人誦經復差人令天師致祭臣等集議世祖時海岸嘗崩遣使命天師祈祀潮即退今可令直省舍人伯顏奉御香令天師依前例祈祀制曰可既而杭州路又言八月以來秋濤洶湧水勢愈大現築沙堤塘岸東西八十餘步造木櫃石固以塞其要衝本省左丞相脫歡等議要置石固四千九百六十抵禦衝啗



以救其急擬比浙江之石塘庶可為久遠計其工料用鈔七十九萬四千餘錠糧四萬六千三百餘石接續興修致和元年三月省臣奏江浙省併庸田司修築海塘作竹籬籬內實以石鱗次壘疊以禦潮勢今又淪陷入海見圖修治倘得堅久之策移文具報臣等集議此重事也旦夕駕幸上都分官扈從不得圓議今差戶部尚書李家奴工部尚書李家賓樞密院屬衛指揮青山副使洪灝宣政院僉院南哥班與行省左丞相脫歡及行臺宣政院

庸田使司諸臣會議修治之方合用軍夫除戍守州縣關津外酌量差撥從便添支口糧合役丁力附近有田之家及僧道也里可溫答失蠻等戶內點倩凡工役之時諸人毋或阻壞違者罪之合行事務提調官移文稟奏施行有旨從之四月二十八日朝廷所委官暨行省臺院及庸田司等官議昔大德延祐間欲建石塘未就泰定四年春潮水異常增築土塘不能抵禦議置板塘以水湧難于施工遂作籬籬木櫃間有漂沉欲踵前議壘石塘



以圖久遠為地脉虛浮比定海浙江海鹽地形水勢不同由是造石囤于其壞處壘之以救目前之急已置二十九里餘不曾崩陷畧見成效庸田司與各官同議東西接壘石囤十里其六十里塘下舊河就取土築塘鑿東山之石以備崩損文宗天曆元年十一月都水庸田司言八月十日至十九日正當大汎潮勢不高風平水穩十四日祈請天妃入廟自本州岳廟東海北護岸鱗鱗相接十五日至十九日海岸沙漲東西長七里南北廣或二

三十步或數十百步漸見南北相接西至石囤已及五都修築捍海塘與鹹塘相遠直抵崑門障禦石囤東至十一都六十里塘又東至大尖山嘉興等三路所修處海口自八月一日至二日探海二丈五尺至十九日二十日探之先二丈者今一丈五尺先一丈五尺者今一丈西自六都仁和縣界赭山雷山為首添漲沙塗已過四都五都鹽官州郭東西二都沙土流行水勢俱淺漲沙東過錢家橋海岸原下石囤石櫃並無頽圯水息民安于是



天曆二年遂改鹽官州曰海甯州

國朝永樂六年海寧縣海決陷沒赭山巡檢司○

九年秋詔修海寧海塘先是工部上言海寧仁和

二縣風潮溺死居民漂蕩廬舍坍塌城垣請發軍

民修築詔許之自是工役起是年冬十一月塘成

合仁寧二縣計修築者萬一千一百八十五丈○

十一年夏五月大風潮仁和縣十九都二十都皆

淪入海詔兵部侍郎張某往築海岸役軍民十萬

計浙東西諸郡俱為騷動死者載道三年間費不

啻十萬而患率如舊按實錄是年止言仁和但仁

與焉觀十六年之遣祭于甯不于仁又云為屢被

潮患連年修治迄無成功則大較可知矣故併錄

○十六年冬十一月詔保定侯孟瑛禮部侍郎

易英祭海神于海寧時瀕海諸縣屢被潮衝連年

修治迄難底績故有是命既祭后患頗息○十八

年通政使岳福上言今歲仁和海寧二縣夏秋霖

雨海潮泛漲塘之淪入海者千五百餘丈赭山岳

門山舊有海道今皆淤塞故潮勢愈猛患滋大請



成化七年閏九月工部侍郎李顯奉命來寧祭海神○十二年夏浙江守臣上言杭嘉紹三府海寧海鹽等縣海塘衝壞數多亟宜修治部議令各府先以在官物料支用不足則于附近無災處所移借協濟詔從之○十三年二月海寧縣海決時潮水橫衝一潰數仞偏盪城邑瀕海之祠廟廬舍器物淪漂畧盡縣官上其事于府府上之鎮巡因命採石臨平安吉諸山初用漢提絙法不就乃斲木為大櫃編竹為長絡引石下之汎濫乃定仍作副

堤十里以防泄鹵一時富民爭相賑施凡七越月而役竣按郡志云成化間海寧潮水直偏城下知府陳建議開支河築內堤于以洩水捍衝疑即此時也

萬曆三年夏五月颶風大作海嘯海鹽及海寧寧民溺死者百餘漂房屋二百餘間塘圯鹹水湧入內河壞田地八萬餘畝時縣官估計應修塘凡二千三百七十八丈計修築工料銀應五千二百二十八兩四年九月會知縣蘇湖新蒞任巡撫徐枋察其才可任事遂以塘付之湖定議以五年二月



寧詩傳 卷四  
十三日興工至四月而役竣計費纔一千九百七十六兩

崇禎元年七月廿三日海嘯海寧殺人無筭是日午前風日清明纔過午狂颶猝發雷雨如注申酉間忽報海嘯登城望之見潮頭直架樹杪廬舍蕩柝瀕海居民有舉家斃者有一家十九口止存二者延至夜半風濤稍殺厥明縣官出勘城東西被災者凡四千餘戶橫尸路隅殆不忍見云事聞於朝議修築海塘時縣令謝紹芳屬衙官張瑞傑董

其役張第以修河塘法從事未幾潮噬之旋築旋圮踰年績弗成于是三臺畢臨相視議工費撫按會題寧邑履畝加賦一分合計之得九千餘金而道府捐助又各有差于是郡丞劉元瀚奉臺命來董其役

陳善海塘議曰海甯縣治南瀕海之上即海塘塘距城僅百武東抵海鹽西抵浙江延袤百里塘西南有赭山南與龕山對峙夾為海門是為海潮入江之口說者謂海濤浩瀚至此束不得



寧言集卷四  
肆輒怒而東廻及其廻也又有石墩山以障之則益怒而于是東西盪激害乃中于寧查寧邑舊志塘之外有沙場二十餘里沙場之內有陸地草場桑柘棗園一百六七十頃有奇乃今悉盪入海孤城若塊萬姓如魚脫更內蝕滄桑之變在轉盼間凜乎危哉宋元以前勿論我明自洪武至萬曆海凡五變五修築矣永樂九年海大決保定侯孟瑛奉命徵九郡之物力歷十三年而始奏功嗣後成化甲午弘治壬子嘉靖

戊子迄今萬曆乙亥海或溢或決塘隨築隨圯雖勞費不如永樂之甚公私亦既騷然夫海決寧邑而役及九郡者何也寧地于吳為陞于越為首地形最高故俗諺相傳謂吳江塔巔與長安壩址並有如寧海一決注之列郡如建瓴然則障寧者即所以障列郡也萬曆五年春巡撫徐公按治寧海多潰闕為之駭詫因與水利陳公詔翁謀合慮察縣尹滇南蘇公可屬大事即以其役委之蘇亦毅然身任閱三月而役竣修



坍塘一千六百六十三丈築新塘三百二十丈其費公帑止一千九百餘金亦可謂事半而功倍矣然余更有說焉海甯之塘與海鹽異鹽塘有大患亦有大利寧塘似無顯患而實有隱憂蓋鹽塘有內河可開故潮勢至此既為分殺而引其流更能使草場悉為膏腴是大患弭而大利興也若寧塘逼近城郭無內河可開幸潮勢緩于鹽耳設一旦海嘯直薄邑治其為隱憂可勝道哉聞寧邑額設捍海塘夫乙百五十名每

歲編派役銀三百兩為之令者誠加意海防每遇潮汛即遣官巡視稍有傾圮即委廉能吏領銀修築毋令涓涓不止此亦撒桑之計也萬一天祐寧民塘十年無恙則銀之積益富縱興大役亦不必派及平民矣至如築塘之法余竊有取于海鹽乙亥之決海鹽為甚其修築也造完前坍石塘七百五十丈及原欠石塘八十三丈二尺修砌半坍石塘一千七百九十二丈築舊土塘二千二百一十六丈築新塘七百一十丈



五尺新開內河白洋三千三百九十五丈而其  
為費也始計之謂非三十萬不可及撫臺徐公  
親行海上命有司詳估價值曰十六萬足矣眾  
乃譁然駭其太簡及工告成費止十萬餘金減  
原估五萬四千有奇是徐公之施德于浙民大  
也至其慮湍激之為害也有盪浪木椿以砥之  
慮其直薄堤岸也為斜階以順之其累石也上  
則五縱六橫下則一縱二橫石齒鈎連若絙貫  
然即百計撼之其能搖乎修寧塘者誠一準海

塩新塘之式是則一勞永逸之計也安得任事  
若徐蘇二公者與之籌海事哉

按陳先生議其言甬塘之利害與塩異似也而  
其所以異則非也寧城之偏海者在南而塩城  
之逼海在東餘三方皆實地皆有內河可開安  
在海塩之勢可殺而寧獨不可殺哉余竊謂塩  
之患大寧之患小鹽東面距海塘自北而南潮  
則自東而西濤頭直衝塘肋故塘易圯而為害  
劇若寧則南面距海塘自東而西潮亦自東而



西濤頭直衝龕赭海門甯特其經行處耳當經  
過時遇旁有隙竇自然不免滲入蓋隙竇之引  
潮以入非潮之決塘以入也此寧患之所為小  
于鹽而其為力亦易于鹽者也乃當事者動憂  
金錢不繼夫寧自嚴尹寬建議後額設海塘夫  
一百五十名年儲役銀三百兩為修築費亦既  
著為令矣倘能以此三百金隨時補緝小有潰  
決即圖斂塞亦何至一潰不可支者如有力者  
負而趨曾無分毫及塘何乃今一議工役非請

給上司則加派編戶蓋塘不修而民以海病塘  
修而民又以塘病此其故難言之矣而說者曰  
戊辰之變安見寧患之小于鹽夫戊辰之變雖  
十仞之塘弗能禦也是豈由人力哉

### 河患及治河類

寧邑諸內河無大利害凡水之能為利害者惟畜  
與洩寧諸河之所為畜洩者大要不出塘堰筧閘  
之類今第舉其名而利害之槩可具悉也縣志載  
入山水類非是



寧諸河塘載在縣志者八曰鹹塘曰淡塘曰新塘  
曰運塘曰園花塘曰六十里塘曰二十五里塘曰  
范蠡塘而郡志又有小塘湖塘云小塘在縣北五  
里山水衝漲沙石壅塞湖塘在縣西北一百五十  
步谷昌鄉古塘行路今查縣北無所謂小塘者惟  
北門外一小河通郭店河約可十里其地非有山  
水之衝特多沙土壅塞疑即所謂小塘也若二十  
五里塘在縣西北為郡邑往來古道此即湖塘矣  
郡志有湖塘無二十五里塘其為一塘可知又查

外志有南塘無六十里塘亦實一塘也而郡志又  
有洛塘郭店塘新江塘縣志皆不載總之有一河  
即有一塘數難枚舉第紀其著者可耳

寧之堰載在縣志者九曰莊婆堰

今改為橋

曰李六堰

曰黃家堰曰瓦石堰曰長安堰曰長安新堰曰通

浦堰曰凌家堰曰莫家堰查郡志無凌莫二堰而  
有水沒堰在覓類外志無瓦石堰今當以縣志為

正

寧之為壩者六曰張飛壩曰楊灣壩曰上好壩曰



寧言傳 卷四  
張宅壩曰葉公壩曰楊家壩六壩皆載郡志而雜見于笕中余謂壩與堰類皆以堤水使不得通也笕以通水與壩不類宜另列之縣志皆不載寧之十閘長安三閘曰上閘曰中閘曰下閘別有王家閘石家壩閘姚沈壩閘寺涇壩閘萬家閘洪範閘石家閘十閘俱詳縣志而郡志又有許村閘沈木閘黃灣閘范沈閘四閘雜見笕壩中其寺涇姚沈二閘則但言閘無壩字王家閘則曰壩閘萬家閘或云即范沈閘外志止載長安三閘○按寺涇

姚沈范沈石家石家壩洪範王家壩此七閘舊傳謂之伍公七閘余謂閘于水在畜洩之間而笕主通水混閘于笕非是另列之

寧之笕載縣志者凡三十四與外志同其名具詳于後而郡志則于三十四笕外猶有瑞谷笕嚴太師笕毛家笕鄔馬涇笕縣志有尹千六笕而郡志無尹千六有沈千六未知孰是笕所自起見縣志寧之為隄門者四曰濮家隄門曰朱家隄門曰俞家隄門曰馮家隄門隄門不知何狀而雜見于笕



寧波府志卷四  
閘中或即其類也然嘉興郡志治亦有隄門乃大  
河行塘殊非笮閘類吾不知其解矣隄門或曰嘉興  
斗門乃地名  
非閘水

按以上堰壩閘笮隄門起十一都東盡一都分  
西北東南二區區分為三○一莫家堰二凌家  
堰三許村閘是為西北區第三分○四黃仲二  
笮張飛壩五尹千二笮楊灣壩六沈千六笮上  
圩壩七鄔馬涇笮張宅壩是為西北區第二分  
○八瑞谷笮九德洋涇笮葉公壩十朱涇笮濮

家隄門十一寺涇笮是為西北區第一分○十  
二蔡沈笮十三姚沈笮十四丁沈笮十五萬沈  
笮十六梁寬笮是為東南區第三分○十七嚴  
太師笮沈木閘十八周徐笮水沒堰十九方姚  
笮朱家隄門二十馮馬笮俞家隄門廿一戈家  
笮楊家壩廿二石家笮馮家隄門廿三毛家笮  
是為東南區第二分○廿四王家閘廿五尹家  
笮廿六鄭家笮廿七郭馬笮是為東南區第一  
分○梁廣笮源馬牧港嚴太師笮源淡塘河寺



涇蔡沈二笵會倉河丁沈萬沈梁廣三笵會孫  
伯山隄門尹家鄭家郭馬三笵會郭店河黃仲  
二笵別出司隄涇與諸笵河同達九曲新江下  
河○此外尚有高家笵向家笵蔡家笵萬家笵  
周涇笵沈家短笵何八笵朱八三笵趙玘笵陸  
家笵吳涇笵惠因庄笵郭庵短笵是皆未詳何  
區何方寧邑田疇所以備旱澇者大都不出此  
宋神宗熙寧元年詔杭之長安秀之杉青常之望  
亭三堰監護使臣並以管幹河塘系銜常同所屬

令佐巡視修固以時啓閉從提舉兩浙河渠官胡  
淮請也

長安三閘紹聖間提刑鮑公請築累沙櫛木為之  
後壞于兵火紹興八年運使吳公請易以石迨紹  
熙二年提舉張公重修設閘兵百二十人為額居  
處有屋車注有具崇寧二年又于閘旁易民田以  
濬兩澳環築以隄其後澳岸毀壞居民侵之兵額  
亦復廢缺遂失舊制嘉定元年歲饑邑令潘景夔  
曾建議復澳之舊而費大役廣議卒中寢

見圖經



寧壽縣志卷四 六  
孝宗淳熙二年兩浙漕臣趙磻老言臨安府自長安牌至許村巡檢司一帶漕河淺澁請官出錢米發兩岸居民開浚

光宗紹熙元年監官令陳恕修築二十五里塘塘在縣西北由縣治達長安鎮舊因河流決溢兩崖傾圯甚為民病恕募民浚河即以其土築岸視舊加廣一丈加高二丈以石甃之遂無崩決民號為甘棠堤

宋○○中浙部水溢詔賜緡錢議賑時兩浙轉運

使毛漸上言錢不可繼宜亟治水乃按錢氏有國

時故事起長安堰至監官徹清水浦決其水入于

海

按清水浦今不知何處漸亦不知宋何帝時人姑錄郡志附于宋末

元順帝至正十年海甯州達魯花赤當任知州張

光祖修長安三閘長安舊有兩澳環築以堤上澳

九十三畝下澳一百三十二畝水多則畜于兩澳

旱則瀉注于三閘入元澳為民所侵庸田司命住

與光祖修復之

國朝天順元年杭州知府胡濬興治水利時仁和



海寧二縣運河淤塞濬躬親督視一切筭壩堰閘  
疏導一新其所開渠曰胡公渠閘曰胡公閘  
西河灌田議曰杭州城北上塘瀕河田由仁和抵  
鹽官昔稱千頃今益數十倍而地高水下常苦旱  
自先賢放湖入河引河溉田而歲始登先賢謂白  
蘇二公  
陳善治河議曰海昌父老嘗為余言邑中水利計  
修治者在先審河之淺深塘之險易與筭閘之堅  
瑕惟茲諸河硤石深九曲深園花之東長安郭店  
之南皆半深運河淺二十五里河亦淺市河尤淺

故袁花自轉塘以上長安自壩以下郭店自鎮以  
下運河二十五里河皆田漕兩病是所宜亟復者  
也其塘則袁花固新塘固六十里塘亦固而運塘  
旋築旋決其勢險淡塘鹹塘並海尤險更宜為之  
計久遠撤桑之慮不可一日忘矣其筭則凌家尹  
千二沈千六鄔馬瑞谷德洋蔡沈方姚戈家毛家  
鄭家郭馬諸處勢皆完厚若莫家黃仲二若朱涇  
寺涇姚沈丁沈若梁廣嚴太師周徐馮馬諸筭俱  
低薄不堪瀦畜若石家一筭則其底水且啗之穿



矣修治宜急甚于沃焦釜而莫家黃仲二以下亦  
皆宜究弊源塞害孔勤為培築者也伍公七閘昔  
稱美善今皆廢圯差強者許村閘耳夫視民利害  
安坐而不為興革者怠也近者尹千二朱涇以東  
歷梁廣方姚諸筭方謀改易建閘其議良是顧所  
當圖詎止此乎白洋故池今居水無幾黃土港之  
東西利賴匪細今皆涸轍矣是宜深瀦而廣溉也  
長水以下河面浩渺是為倭盜出沒之孔道通邑  
所倚為吭背者設柵置守非衣袂之上計乎煮海

販鹽之徒爬塘窅徑以自便蟻穴可畏其漸不當  
杜乎運塘之盜決而陰壞者其奸不當察乎若乃  
著為成規責旁近諸戶計所業多寡通力開塞毋  
相規避俾早有溉潦無潰則昔者嚴尹寬鄭諭日  
休之議可振舉也嚴寬水利論載縣志鄭日休議無攷  
祥異四之二

諸已載邑志及外志者不重列

漢蜀後主延熙十二年冬十一月寶鼎出臨平湖  
即吳之赤烏十二年也一曰二年杭地時屬吳



臨平屬鹽官詳郡邑志

吳天璽元年石函出臨平湖函內有小青石刻皇

帝字見郡志

晉武帝咸寧三年秋八月吳臨平湖開先是有謠

湖塞天下亂湖開天下平遂有以謠獻媚于吳

主皓者謂青蓋入洛之兆時都尉陳訓私謂其

友人曰青蓋入洛銜璧之事耳未幾吳亡

安帝元興二年冬十月臨平湖水赤

劉宋文帝元嘉中鹽官民家產白雀吳郡太守劉

禎以獻邑志云十八年獲白雀二十四年產白

雀

蕭齊武帝永明七年夏六月鹽官獲白雀○九年

鹽官石浦有海魚乘潮上潮退不得去長三十

餘丈色黑無鱗有聲如牛土人呼為海燕取食

之

陳後主禎明元年冬十一月臨平湖開時後主惡

之自鬻于佛寺為奴蓋厭之也未幾陳亡

唐德宗貞元六年夏浙江大旱人病暍疫死者甚



寧志卷四  
衆

文宗太和五年杭州大水傷稼六年五月杭州  
八縣大疫

僖宗中和三年天有聲于浙西聲如轉磨又無雲  
而雨時謂為天泣

昭宗天復三年春三月浙西大雪平地三尺餘有  
氣如烟其味苦

宋真宗咸平二年杭州府箭竹生米如稻饑民採  
之充食

神宗熙寧八年鹽官縣饑

哲宗元祐六年浙西大水杭民死者幾五十萬人

高宗紹興元年浙西枯稭生穗安撫使劉光世奏  
賀上曰朕在潛邸梁間生芝草手碎之其勿賀

○五年秋八月臨安府屬縣大水○二十九年  
雷震上管塲事詳邑志○三十二年飛蝗徧于  
杭之畿縣聲如風雨

孝宗淳熙九年臨安府屬縣蝗○十四年九縣皆  
饑



寧宗慶元三年秋七月鹽官縣螟○嘉定二年飛蝗入臨安府諸縣其來也若烟霧蔽天其墮也每亘十餘里時郡邑捕蝗多者至八千石○三年春臨安諸縣大水鹽官尤甚民溺死者甚衆○十二年鹽官海決衝平野二十餘里至侵縣治

理宗紹定三年浙西霖雨連四十日禾盡沒其不沒者又大風駕潮頃刻盪盡之是時杭民有渡楊子以就食江北者大半溺死

元仁宗延祐元年鹽官州海溢地陷

泰定帝四年春鹽官州海水大溢

順帝至正十二年十三年鹽官州海不揚波時○

○皇明啓運實應其兆

國朝永樂六年海甯縣海決陷赭山巡檢司○九

年大風潮漂盪廬舍甯民溺死者甚衆○十一

年颶風駕潮寧與仁和同被患頗劇

正統六年杭州九縣民皆饑○十二年秋八月海

寧海溢



成化八年七月杭州大風雨江海決溢

弘治四年浙西旱民大饑○十六年秋杭州大旱

正德十年冬杭州府大水○十四年大饑

嘉靖三年杭州府大饑○九年海寧海決逼城○

二十三年復大旱無麥○二十四年仍大饑時

連年荒米價騰涌每石至一兩八九錢富人止

食半菽貧人有食樹皮者因大疫死人載道○

四十年復水大無年民大饑

隆慶二年春正月民間訛言朝廷遣中使採良家

女入宮一時男女嫁娶畧盡浙西皆然號為霍

親時生女之家以得偶為幸去其女惟恐不速

遂多老稚失配者

萬曆三年五月海嘯寧民溺死者百許漂廬舍無

筭是時海盜被害尤劇○十六七年連大旱米

價騰涌每石一兩七八錢餓莩載道如嘉靖時

天啓元年民間訛傳朝遣中使採良家女一時嫁

娶復如隆慶時

崇禎元年七月海寧海嘯濤頭駕屋拔樹瀕海居



民淹死無筭有一家十九人止存二人者縣官  
出踏勘邑東西之被災者凡四千餘家○二年  
六月海復溢水浸民居○三年七月八月海復  
溢塘盡圯與內河通

以上俱見歷代史及郡志凡槩言浙西或杭州  
者知鹽官必在其中併書之

古蹟

四之三

海昌府治周圍五里高六尺濶一丈

見圖經詳郡邑志今失其處

悟空禪師塔名公來遊者多有鐫字

見圖經詳郡邑志

古檜在悟空禪師塔所宣和間朱勔發之將津致

艮嶽遂沈於海為植今檜

見圖經詳郡邑志

百尺樓在鹽官縣西百尺浦輿地志云越王起百

尺樓于浦上以望海因以為名

見郡志

讀書林

詳邑志

郡志云讀書林有二一在縣治西廳

後一在昌化之百丈山下宋人唐闕理茅茨於

百丈溪讀書亦名讀書林今並廢

范蠡塘在縣西二十五里相傳云范蠡送西施入

吳道經于此

邑志載入河塘類



錢王磨劍池邑志載之審山郡志云仁和之臨平山下有片石俗傳錢王磨劍于此

葛仙翁丹井郡志云各縣都有其在海寧者在紫

薇山邑志載入井類

審山之麓相傳有顧况讀書臺今廢見郡志按嘉興

志山川類云顧况讀書在橫山之下古蹟類云

顧况宅在橫山下禪寂寺側夫審山之與橫山

相去遠矣未知孰是

硤石有紫薇山山名紫薇者唐中書舍人白樂天

嘗遊其地中書故紫薇省因以為名也見邑志按

圖經云唐紫薇舍人劉禹錫作刺史時行縣至

是登山望硤石湖因以為名今半山有碑鐫紫

薇山三字下有詩據此則紫薇之名當以圖經

為正

寧邑之東七十里有烏龍井相傳昔有臯蘇將軍

將兵至此乏水所乘黑馬跑地得泉遂以為名

光明庵昔雪峯禪師結廬地也每見夜光燭天因

以名庵事詳壽聖院記



寧壽傳列 卷四  
白馬神祠故老相傳云往歲金人犯境見田野間  
白馬甚衆疑有兵不敢進竟去

兒童塔舊在邑西南郊今廢其林墅間夜嘗有光  
烜天則塔之遺址也里老云下有黑蛇長數丈  
蟠護不去間亦放光事詳章瑋塔記

真如院有泉在其旁相傳有道師操夜為鬼神講  
佛書一日井涸神告之曰當有泉發于山頃之  
一泉果竇于寺前之西因名靈泉詳靈泉記

馬自然墓在縣西九里 見郡志

顏真卿墓在縣東十五里原吉鄉咸淳成化二志

俱不載據里人所指如此 見郡志 查葬所在二

十都八圖扇面橋楊慶湖二公合葬想衣冠也

唐吳公約墓在錢塘之新亭鄉扣山有羅隱志

銘 載遺文

唐舒論墓在縣西南四里買裘氏地有銘碣 見圖經

唐梅府君墓君梅慶子葬邑之昌亭鄉有銘碣 見圖經

唐萬仁泰墓葬邑之蘭陵鄉有銘碣 見圖經



唐鄮府君墓君故侍御元某之次孫墓在海昌里

之一墟南去古墟三十步有銘碣

見圖

元尚書貢師泰墓邑志云在縣治東北黃崗之湖

塘村○嘉興志云在海鹽縣治西南三十六里

紫雲山下未知孰是

按寧邑古蹟尚有海寧舊城宋三先生祠清愛

堂綠繞堂晞梅堂仰高亭海山一覽樓褚無量

故居小桃源小桃園張無垢讀書臺黃岡書院

秦王磨劍石金牛洞鼓樓丹井樓五岳樓遐觀

樓天開圖畫樓聽潮軒環綠軒雙檜僧智標塔

惟尚禪師塔蜀山洞紫薇山洞望夫石怪石箭

石盤蛇石靈龜池放生池千佛閣大悲閣般若

臺三女堆審食其墓許遠墓張文忠公墓榮祭

酒歪頭墓何得舉知縣墓皆詳邑志不重列

按古蹟與丘墓邑志分為二余謂漢唐以來諸

墓陵谷遷改大半湮廢今亦止存其名耳古莫

尚焉應合之古蹟

補遺



元末萬戶馬廷舉墓在菩提山長生嶺之原劉伯  
溫基擇兆徐大章一變為作記垣砌渾堅皆先代  
規制古木蒼鬱祠祀嚴肅三百年來無改每祭日鄉  
人羣觀禮焉其東北數武即馬節婦葬夫處

西寧府志卷四 墓 菩提山長生嶺之原 劉伯溫墓 徐大章墓 馬廷舉墓 節婦墓 祠祀嚴肅 三百年來無改 每祭日鄉人羣觀禮焉 其東北數武即馬節婦葬夫處





Vertical text on the right edge of the right page, likely bleed-through from the reverse side. The characters are small and difficult to read, but appear to be in a traditional East Asian script.

Vertical text on the right edge of the right page, likely bleed-through from the reverse side. The characters are small and difficult to read, but appear to be in a traditional East Asian script.



